

書曰拘彌國王居寧彌城

西夜國傳西夜國王號子合王○

臣召南

按西夜與子

合是二國後書云西夜國一名漂沙漠書誤云西夜

子合是一國子合國居呼犍谷此則糾漢書之違也

無雷國傳北與捐毒西與大月氏接注師古曰捐毒卽

身毒天篤也○

臣召南

按天篤卽天竺也下文罽賓

傳曰塞種分散往往爲數國師古曰塞種卽所謂釋

種者也蓋卽浮屠氏國其種分散遍於諸國故又云

自疏勒以西北休循捐毒之屬皆故塞種後書傳之

天竺卽此傳之捐毒而後世又曰印度國也